



**Principia Juris Canonici : Ex Libro ... Decretalium Gregorii
IX. Pontificis M / Antehac In Alma & Archi-Episcopali
Benedictina Universitate Salisburgensi**

König, Robert

Salisburgi, 1725

VD18 80460518

18. De servis non ordinandis & eorum manumissione.

[urn:nbn:de:hbz:466:1-61781](#)

32 Alter Effectus est, quod illegitimi arcean-
tur à beneficiis Ecclesiasticis. c. 7. & 20. de
Elect. c. 1. & fin. h.t. Et quanquam per in-
gressum Religionis ipso jure reddantur habi-
ties ad SS. Ordines suscipiendos, tamen ad be-
neficia curata & dignitates non habilitantur.
d. c. 1. ubi Panorm. n. ult. Barb. n. 3. Nec
refert, an defectus natalium sit publicus, an
occultus: nam etiam occultus hanc irregu-
laritatem inducit per c. 10. §. persona de Renun-
tiat. ibi: quem subjecere non potuit.

33 Quid si ergo defacto contingat illegiti-
mum, qui putabatur legitimus promoveri?
Hic distinguendum est inter Ordinationem &
electionem: Ordinatio enim erit valida, &
imprimet characterem, quippe nulla irregu-
laritas per se sola irritat ordinationem quod ad
substantiam, modò in aliis sint servata sub-
stantialia Sacramenti. Barb. f. E.U. l. 1. c. 33.
n. 165. Impeditur tamen executio ministerii
& exercitium Ordinum, donec super impe-
dimento dispensemetur. Beneficium quoque
Ordinato irregulari conferri non potest; quin
collatio actu facta est ipso jure nulla, secun-
dum Covarr. in c. alma mater. p. 1. §. 7. n. 1.
& communiorum sententiam: quamvis etiam
nonnulli teneant, non esse ipso jure irritam,
sed irritandam. Quod ad electionem, explo-
ratum est; eam de illegitimo factam, ipso
jure invalidam esse. d. c. 7. de Elect. Et hoc
verum est, licet defectus natalium sit occul-
tus. Text. & Gloss. in d. c. 20. Eod. aut etiam
ab ipso illegitimo ignoratus: quia decreta ir-
ritantia, & impedimenta Canonica non de-
pendent à scientia alicujus, ut communiter
tradunt DD. & probatur ex e. 1. de Concess.
prab. in 6. Confer, quae diximus in Tit. de
Elect. n. 28. & in Titul. de Aestate & qualit-
num. 10.

Tertio Effectibus defectus natalium accen-
sere possem, quod sine legitimo matrimonio
nati sequantur statum, & conditionem matris.

l. 19. & 24. ff. de Statu Hom. quod ex dam-
nato complexu geniti à Parentibus suis hære-
des institui nequeant. Novel. 89. c. fin.
& plura alia; quæ hic loci attingere non
vacat.

TITULUS XVIII.

De Servis non ordinandis, & eorum manumissione.

SUMMARIA.

- 1. Servitus definitio. 2. & origo.
- 3. 4. s. Ex quibus causis servitus nascatur?
- 6. 7. Serborum nomine qui veniant?
- 8. Servitus effectus.
- 9. 10. Cur servi ordinari prohibeantur?
- 11. Quid juris, si servus defacto ordinetur?

Hoc t. agitur de impedimento condi-
tis, seu statutis personæ, quod est servitus.
§. I.

Definitur Servitus, quod sit constitutio ju-
ris gentium, quæ quis dominio alieno contra
naturam subjecitur. §. 2. Inst. de Jure person.

§. II.

Causa efficiens est vel remota, vel proxima.
Remota est Jus gentium, à quo totam suam
essentiam habet. c. 9. diss. 1. & princ. Inst.
de Liberinis. Neque obstat §. 4. Inst. de Ju-
re person. ubi dicitur, servos etiam jure Civili
fieri: etenim distinguendum est inter servi-
tutem ipsam, & modos eam constituendi,
servitus ipsa est originaliter & essentialiter
juri gentium; sed modi illam constituendi
alii à Jure Gentium prodiit sunt, alii à Jure
Civilis. d. §. 4. Proxima sunt modi constituti-
vi servitus, qui plures.

Primus est Nativitas. d. §. 4. Sic, qui na-
scitur ex matre, quæ toto uteri tempore ancila
fuit: servus nascitur. l. 5. §. 1. ff. de Statu Hom.
Ratio est: quia partus ventrem, id est, statum,

& conditionem Matris sequitur. *I. 7. C. de R. V.* Atque ita etiam illud Ulpiani capiendum: *lex natura*, hoc est consuetudo ab aliqua ratione naturali ducta, *hac est*, ut qui nascitur sine legitimo matrimonio, matrem sequatur. *I. 24. ff. de Statu hom.* Et quomodo ex servi concubitu natus conditionem Patris sequatur, cum inter servos non sint nuptiae, quæ sola Patrem demonstrant. *I. 6. ff. de his qui sunt vel alieni. iur. sunt.*

4. Secundus modus est captivitas. d. §. 4. Inst. de Jure person. d. I. 5. §. 1. ff. de Statu hom. Ita omnes, qui capiuntur in bello justo, sunt servi capientum. *§. 17. Inst. de Rerum divisi.* Quod tamen generali & antiquissima consuetudine eò redactum, ut capti in bello inter Christianos gesto libertatem non amittant, sed præstito redemptionis lytro liberi abeant. *Ahud dicendum: si bellum nostri cum infidelibus gerant, v. g. cum Turcis; tunc namque quemadmodum illi nostros, sic & nostri jure talionis Turcas captos pro servis habent, ut dedilecant insolentiam contra Christianos.* Christiani tamen in servitutem turcicam abundanter à nobis liberi, omniumque jurium capaces reputantur: ne afflictis afflictio addatur. *Covarr. in c. peccatum. de R. F. in 6. p. 2. §. 11. n. 6.* Ut proinde (quod obiter hic insinuo) testamentum ab iis durante captivitate factum easdem vites habeat, at si conditum foret ab aliquo in plena libertate, constituto.

Terius est venditio sui ipsius; cum scilicet quis major 20. annis se ipsum, sciens se esse liberum, ignorantem id emptori pretii participandicausā venundari patitur. d. §. 4. Inst. de Jure person. Hostiensis in Summa b. t. num. 6.

Quartus est revocatio ingrati liberti in servitutem. I. 2. C. de libert. Reliquos prosequitur Azor. Inst. moral. p. 2. lib. 2. c. 31. & interpr. ad d. §. 4. Inst. de Jure person.

KÖNIG IN DECRET. LIB. I.

§. III.

Subjectum servitus sunt, qui contra naturalem libertatem alieno dominio subjiciuntur: Servi inquam proprietales, sunt enim, qui servi minus propriè dicuntur, comprehendendo nimis servos etiam adscriptios id est, homines colendis agris perpetuo adscriptos, & originarios, seu ex adscriptiis natos; item mancipia, seu homines proprios, quales in quibusdam Germaniae locis reperiuntur, & denique omnes illos, qui per se alicui conditioni quasi servili perpetuo & personaliter sunt obstricti.

Scrupulus incidit: anne Monachus servus sit? Ita videtur: quia Superioribus est subiectus: omnia Monasterio acquirit: & testamentum facere non potest. *aut h. ingressi. C. de Sacrosanct. Eccles.* Sed verius comparatus filio, quam servo: nam Monachalis subiectio magis filialis est, quam servilis. *Bart. in l. I. de Vulg. & papill. substir.* Et etiam Schneidew. *ad §. fin. Inst. de Jure person. n. 5.* (quem alias pro Religiosorum Patrono haud optaverim, cum Monachatum in Tit. de Nupt. appellat superstitionem, atque cum S. Scriptura pugnare contendat, quod perspicue hæreticum est) sentit, quod Monachus revera liber sit. Addo, quod nec nobilitatem amittat, ut adeò etiamnum hodie eidem nobilitatis titulus de jure quadret, modò omnis ambitio, & vanajactantia, quam per ingensem Religiosus abscondit, ab eo exulet; hinc Romanus *Singulari* 37. ait, non esse subreptionem, si se Monachus in literis dicat nobilem. *Quo ad acquisitionem tamen Monachum servo comparari, notat Glossa in l. cum heredes. §. fin. V. non puto. ff. de Aquir. vel amitt. posses. & in genere Monachum, æquiparandum esse vel servo vel filio-familias, secundum quod utilius est Monasterio, tradit Baldus in l. I. C. qui admitti ad bonorum possess. poss.*

§. IV.

§. IV.

- 8 Effectus servitutis sunt I. quod servus, quidquid acquirit, acquirat Domino, cuius juri subjectus est. l. 1. s. igitur ff. de his, qui sui vel alieni jur. II. quod servo omnes actus juris Civilis interdicti sint: unde nec bona propria habere, nec exercere commercia, nec testamenta condere, nec testificari, nec aliis juribus civilibus frui potest, licet ex persona. Domini possit contrahere. l. 16. l. 20. s. servus ff. qui testam. facere possint. III. quod vilitas servilis conditionis servum ab ordinibus, & dignitate Clericali repellat, nisi libertati fuerit restitutus per manumissionem expressam vel tacitam: ne alias injuria & praejudicium Domino fiat, dum servus ordinatus propter decentiam statutus Clericalis non amplius audet opera servilia praestare, sicut antea c. 1. & passim b. t. c. 10. & 21. dist. 54. ubi haec prohibitio etiam ad servos impro prietate dictos, puta ad servos adscriptitios, originarios, & homines proprios proportionaliter, id est, habito respectu ad interesse Domini, extenditur. Non obstat, quod juxta Apostolum relatum in c. 1. de Conjug. serv. nec liber, nec servus a Sacramentis Ecclesiae removendus sit: quia loquitur de Sacramentis, quae suscipientis gratiam conferuntur, ut Baptismus, Confirmatio, Eucharistia, &c. a quibus nullus fidelis excludi debet, secus est de ordine, qui aliorum potius, quam suscipientis causam institutus est.
- 10 Sed quid juris, si defacto servus ordinetur? R. referre, an sciente nec contradicente, an vero ignorante, vel contradicente Domino ordinetur? Priori casu eo ipso tacite presumitur manumissus, & confessim sit liber. c. 20. dist. 54. Posteriori autem casu subdividendum est: quia si servus tantum ordinetur in Minoribus, redigitur in pristinam servitatem, si Dominus petat juxta c. 9. ead. dist. Si vero ordinetur in sacris ordinibus, tunc

ex peculio suo oblatio pretio semet redimere, vel alium servum substituere debet, si potest; si non potest, tunc & ipse depositus domino petenti restituitur in servitum. c. 2. & 7. b. t. nisi Sacerdos ordinatus sit, quo casu in ordine permanet quidem liber, sed peculiis amissione multatur, aut si peculio careat, domino in spiritualibus officiis servire debet, si velit. d. c. 9. & 10. dist. 54. Planè quando servus ab Episcopo sciente ejus conditionem ad sacros ordines promotus est, ipse quidem manet liber, sed ordinans pro illo satisfacere tenetur, & domino dare alios duos aequales servos, vel eorundem aestimationem. c. 19. ead. dist. Hoc istud in Summa b. t. n. 7.

Quod attinet modum tollendi hanc irregularitatem, in comperto est, eam ceillat statim sublatam servitute, absque alia dispensatione, quacunque demum ratione servus redimatur, cum non fundetur in ulla ignominia, aut defectu decentiae remanente, sed omnino sedem habeat in servitute, ut docent Canones citati.



TITULUS XIX.

De Obligatis ad ratiocinia ordinandis, vel non.

SUMMARIA.

1. Quid sit obligatio ad ratiocinia?
2. Quinam obligentur ad ratiocinia?
3. Quinam obligati ad ratiocinia ordinari negant?
4. Quid Juris, si defacto ordinetur?

A Liud impedimentum suscipiendo ordinaries inducit obligatio ad rationia, seu reddendas rationes.

§. I.

Definitur obligatio ad ratiocinia, quod sit obligatio reddendarum rationum de generali administratione rei alienae.